

賢母錄卷三

三長物齋叢書

寧鄉黃本騏花耘述

湘陰蔣 瓌維揚校

南北朝

宋高祖從母

初高祖

宋武帝

產而皇妣殂皇考貧薄議不能養高祖從

母生懷敬末期乃斷乳而養高祖以舊恩之故懷敬累

至會稽太守

太平御覽
引宋書

謝蘭母阮氏蘭子貞母王氏

謝蘭丁父憂毀瘠骨立母阮氏常自守視譬抑之蘭子

貞幼聰敏有至性母王氏授以論語孝經南史孝義傳

王融母謝氏

王融少而神明警慧母臨川太守謝惠宣女性敦敏教

融書學博涉有文才南史王融傳

何憲母王氏

何憲母鎮北長史王敷之女聰明有訓識齊書虞玩之傳

垣文凝母鄭獻英

劉楷到交州垣翼深隨楷未至交州而卒妻鄭氏字獻英滎陽人時年二十子文凝始生仍隨楷到鎮晝夜紡織傍無親援年既盛美甚有容德自厲冰霜無敢擎其

門者居一年私裝了乃告楷求還楷大驚曰前鄉萬里固非孀婦所濟遂不許鄭曰垣氏羈魂不返而其孤藐幼妾若一同灰壤則何面目以見先姑因大悲泣楷愴然許之厚爲之送於是閒關危險遂得至鄉葬畢乃曰可以下見先姑矣時文凝甫四歲親教經禮訓以義方州里稱美

南史垣閼傳

袁粲母王氏

袁粲幼孤祖哀之名曰愍孫母琅琊王氏太尉長史誕之女也躬自績紡以供朝夕粲忤孝武

粲仕宋爲中書監司徒待中

其母候乘輿出負磚叩頭流血磚碎傷目自此後粲與

人語有誤道眇目輒涕泣彌日嘗疾母憂念晝寢夢見父容色如平生與母語曰愍孫無憂將爲國家器不患沉沒但恐富貴終當傾滅耳母未嘗言及粲貴重恆懼傾滅乃以告之粲故自挹損

南史袁粲傳

何承先母徐氏

何承先五歲喪父母徐廣姊也聰明博學故承先幼漸

訓義

南史何承先傳

王僧辯母魏氏

二條

王僧辯梁元帝以爲領將軍荆湘疑貳帝令討之僧辯以竟陵部下皆勁勇猶未盡來意欲待集然後與眾俱

入帝以爲遷延不去大怒自斫之久之方蘇卽送廷尉
其母脫簪珥待罪帝意解賜以藥不死母姓魏性甚安
和善於綏接家門內外莫不懷之初僧辯下獄母流涕
徒行詣閣自陳無訓涕泗嗚咽眾竝矜之及僧辯罪免
深相責厲辭色俱嚴雖尅復舊都功蓋宇宙母恆自謙
損不以富貴驕物朝野稱之謂爲明哲婦人

南史王僧辯傳

勲業

顏氏家訓

鄧元起母

鄧元起爲益州刺史天監初徵爲右衛將軍以蕭藻代之藻入城求其良馬元起曰年少男子何用馬爲藻恚醉而殺之元起初爲益州迎其母母曰汝貧賤家兒忽得富貴詎可久保我寧死此不與汝共入禍敗

南史元起傳

張緬母劉氏

張緬爲淮南太守再遷武陵太守還拜太子洗馬中書

舍人母劉氏以父沒家貧

緬父宏策永未從武帝遇害

葬禮有缺遂

終身不居正室不隨子入官府緬在郡所得俸祿不取用至妻子不易衣裳及還都竝供之母振遺親屬累載

所蓄一朝隨盡

南史張緬傳

宗炳母師氏

宗炳母師氏聰辯有學義教授諸子

南史隱逸傳

蕭秀庶母陳氏

安成王秀文帝第七子年十二其弟始興王憺年九歲所生母吳太妃亡帝哀其早孤命側室陳氏并母二子陳有母德視二子如親生

梁書王秀傳

裴子野祖母殷氏

裴子野生而母亡為祖母殷氏所養殷末明有文義以章句授之年九歲祖母亡泣血哀慟家人異之

梁書子野傳

王僧孺母

王僧孺幼貧其母鬻紗布以自業

梁書二僧孺傳

刁冲祖母高氏

刁冲十三而孤其祖母司空高允女聰明婦人也哀其

早孤撫養尤篤

魏書冲傳

高謙之後母李氏謙之子儒母張氏

高謙之少事後母李有孝聞李亦有撫育過於已生人

莫能辨其兄弟所出同異論者兩重之謙之妻中山張

氏明識婦人也教勸諸子

長子儒次緒孝貞孝幹

從師受業常誠

之曰自我爲汝家婦未見汝父一日不讀書汝等宜各

修勤勿替先業

魏書高崇傳

范紹母

范紹年十二父命就學師事崔光以父憂廢業母誡之
曰汝父卒日令汝遠就崔生希有成立今已過暮立遵
成命紹遂赴學

魏書
紹傳

邢昕祖母李氏

邢昕幼孤見愛於祖母李氏好學早有才情

魏書
昕傳

張宴之母鄭氏

張宴之幼孤母鄭氏教誨動依典禮

北齊書
宴之傳

盧柔叔母

盧柔少孤爲叔母所養撫視甚於其子柔盡心溫清亦

同已親宗族歎重之

後周書
柔傳

崔道固母

崔道固母卑賤嫡母兄攸之目連等輕侮之父輯給資
道固令其南仕時宋孝武爲徐兗二州刺史以道固爲
從事後爲宋諸王參軍破遣青州募人長史以下竝詣
道固諸兄等逼其所生自致酒炙於客前事與晉裴
秀母畧同道
固驚起接取謂客曰家無人力老親自執劬勞諸客皆
知其兄所作咸拜其母母謂道固曰我賤不足以報貴
客汝宜答拜諸客皆歎美道固母子賤其諸兄

北史崔
亮傳

裴殖母夏侯氏

裴植母夏侯道遷之姊也性甚剛峻於諸子皆如嚴君
長成之後非衣幘不見小有罪過必束帶伏閣經五三
日乃引見之督以嚴訓

魏書裴
叔業傳

崔浩母盧氏

崔浩母盧謏孫女也浩著食經序曰余自少及長耳目
見聞諸母諸姑所修婦功無不蘊習酒食朝夕養舅姑
四時供祭祀雖有功力不任僮使常手自親焉昔遭喪
亂饑饉仍臻餽蔬餽口不能具其物用十餘年間不復
備設亾妣慮久廢忘後生無所知見而少不習書乃占
授爲九篇文辭約舉婉而成章聰辯彊記皆此類也

北史

崔浩
傳

陸卬母魏上庸公主

陸卬母魏上庸公主初封藍田卬昆季六人皆主所出
邢劭嘗謂人云藍田生玉固不虛矣主教訓諸子俱以
義方雖創巨痛深出於天性然動依禮度亦母氏之訓
也卬兄弟相率廬於墓側詔改所居里爲孝終里

北史
卬傳

裴讓之母辛氏

裴讓之年十六喪父殆不勝哀其母辛氏泣撫之曰棄

我滅性得爲孝子乎由是自勉辛氏高明婦人又閑禮

度夫喪諸子多幼弱

讓之訓之獻之謀之
訥之謁之凡六子

廣延師友或

親自教授內外親屬有吉凶禮制多取則焉

北史龔之傳

皇甫和母夏侯氏

皇甫和十一而孤母夏侯氏才明有禮則親授以經書

北史皇甫和傳

魏緝母房氏

鉅鹿魏溥妻房氏年十六而溥卒時子緝生未十旬鞠育於後房之內未嘗出門遂終身不聽絲竹不預座席訓導一于有母儀法度緝所交游有名勝者則身具酒饌有不及已者輒屏卧不殮須其悔謝乃食善誘嚴訓類皆如是

北史列女傳

王蓋海祖母郭氏

王蓋海襲祖琚爵初琚年七十餘賜得世祖時宮人郭氏本鍾離人明嚴有母德內外婦孫百口奉之肅若嚴君家內以治

魏書王琚傳

樊遜母馮氏

樊遜少學常爲兄仲優饒旣而自責曰名爲人弟獨愛安逸可不愧於心乎欲同勤事業母馮氏謂之曰汝欲謹小行耶遜感母言遂專心典籍

北齊書遜傳

房景伯母崔氏

清河房愛親妻崔氏性嚴明有高節歷覽書傳多所聞

知親授子景伯景先九經義

景伯傳云幼孤貧無資從師其母自授毛詩曲禮

學行修明竝當世名士景伯爲清河太守每有疑獄常先請焉貝邱人列子不孝吏欲案之景伯爲之悲傷入白其母母曰吾聞聞名不如見面小人未見禮教何足責哉但呼其母來吾與之同居其子置汝左右令其見汝事吾或應自改景伯遂召其母崔氏處之於榻與之共食景伯爲之溫清其子侍立堂下未及旬日悔過求還崔氏曰此雖顏慙未知心愧且可置之凡經二十餘日其子叩頭流血其母涕泣乞還然後聽之終以孝聞

其識度勵物如此

北史列女傳

余朱度律母山氏

余朱度律節閔帝時爲使持節侍中大將軍出拒義旗

齊神武

高洋

聞之與余朱兆遂相疑貳自敗而還度律雖

在軍戎聚斂無厭所經爲百姓患毒其母山氏聞度津

敗遂恚憤發病及至母責之曰汝荷國恩無狀而反我

何忍見他屠戮汝也言終而卒後韓陵之敗齊神武斬

之

北史余朱榮傳

趙彥深母傅氏

趙彥深母傅氏雅有操識彥深三歲傅便孀居家人欲以改適自誓以死彥深五歲傅謂之曰家貧兒小何以

能濟彥深泣而言曰若天哀矜兒大當仰報傳感其意
對之流涕及彥深拜太常卿還不脫朝服先入見母跪
陳幼小孤露蒙訓得至於此母子相泣久之然後改服
後爲宜陽國太妃齊朝宰相善始令終惟彥深一人

越彥
深傳

杜叔毗母

杜叔毗早歲而孤仕梁爲宜豐侯蕭修參軍周文令達
奚武圍修於南鄭修令叔毗請和周文見而禮之而修
中直兵曹策參軍劉曉謀以城降武時叔毗兄君錫從
子映映弟晰各領部曲策等忌之遂誣以謀叛擅加害